



Heilbrigðisráðuneytið
Síðumúla 24
108 Reykjavík

Reykjavík, 22. ágúst 2022

Efni: Hlutlæg refsíabyrgð heilbrigðisstofnanna – áform um lagasetningu

Birt hafa verið á samráðsgátt stjórnvalda áform um breytingu á lögum um heilbrigðisþjónustu nr. 40/2007 og lögum um landlækni og lýðheilsu, nr. 41/2007, varðandi refsíabyrgð heilbrigðisstofnanna. Eins og kemur fram í áformaskjalinu er stefnt að setja ákvæði í sérlög um hlutlæga refsíabyrgð heilbrigðisstofnanna vegna óvæntra og alvarlegra atvika í heilbrigðisþjónstu.

Samtök heilbrigðisfyrirtækja hafa farið yfir áformaskjalið með það fyrir augum að kanna hvaða áhrif fyrirhuguð lagabreyting muni hafa á starfsemi fyrirtækja innan samtakanna. Við þá yfirferð hafa einkum verið skoðuð ákvæði 4. gr. laga um heilbrigðisþjónustu sem hefur að geyma hugtakaskilgreiningu á hinum margvíslegu þáttum heilbrigðiskerfisins. Eins og kemur fram í 6. tölulið 4. gr. laganna er heilbrigðisstofnun skilgreind sem *stofnun* þar sem heilbrigðisþjónusta er veitt. Samkvæmt 10. tölulið sömu lagagreinar eru starfsstofur heilbrigðisstarfsmanna skilgreindar sem *starfsstöðvar* sjálfstætt starfandi heilbrigðisstarfsmanna þar sem heilbrigðisþjónusta er veitt með eða án greiðsluþátttöku ríkisins. Samkvæmt þessu, sem og viðtekinni hugtakaskilgreiningu, getur starfsemi sjálfstætt starfandi heilbrigðisstarfsmanna aldrei talist heilbrigðisstofnun í eiginlegum skilningi þess orðs.

Niðurstaða Samtaka heilbrigðisfyrirtækja er því sú að hin fyrirhugaða lagabreyting muni ekki ná til starfsemi fyrirtækja innan samtakanna. Breytingin muni eingöngu ná til starfsemi *opinberra heilbrigðisstofnanna*.

Samtökin leggja eftir sem áður áherslu á að þau fái að fylgjast náið með framvindu þess máls og eftir atvikum að eiga fund með starfshópnum sem vinnur að vinnur að undirbúningi lagabreytinganna og settur var á laggirnar í maí sl.

Virðingarfyllst,
f.h. Samtaka heilbrigðisfyrirtækja,

Dagný Jónsdóttir, formaður